

VENDIM
Nr. 500, datë 24.8.2023

PËR PËRJASHTIMIN NGA NDALIMI I GJUETISË, PËR QËLLIME SHKENCORE PASVAKSINALE, TË KAFSHËVE TË VAKSINUARA, NË KUADËR TË PROJEKTIT IPA 2020, KONTROLLIN DHE ÇRRËNJOSJEN E SËMUNDJES SË TËRBIMIT – FAZA IV

Në mbështetje të nenit 100 të Kushtetutës dhe të pikave 1, shkronja “b”, e 2, të nenit 4, të ligjit nr. 60/2022, “Për shpalljen e moratoriumit të gjuetisë në Republikën e Shqipërisë”, me propozimin e ministrit të Turizmit dhe Mjedisit, Këshilli i Ministrave

VENDOSI:

1. Përrjashtimin nga ndalimi i gjuetisë, duke lejuar gjuetinë e dhelprës së kuqe, për qëllime shkencore pasvaksinale, në kuadër të projektit IPA 2020, “Kontrollin dhe çrrënjosjen e sëmundjes së tërbimit – faza IV”, financuar nga Bashkimi Evropian.

2. Gjuetia e dhelprës së kuqe për marrjen e kampionëve të dhelprës kryhet në të gjithë territorin e vendit, me përjashtim të territorit të zonave të mbrojtura mjedisore, përgjatë muajve shtator, nëntor dhe dhjetor 2023. Brenda kësaj periudhe, gjuetia të kryhet vetëm në ditët e mërkurë, e enjte, e premte dhe e shtunë.

3. Për marrjen e kampionëve të dhelprave të kuqe, nëpërmjet gjuajtjes së tyre, të angazhohen në të gjithë vendin 39 (tridhjetë e nëntë) punonjës të Agjencisë Kombëtare të Zonave të Mbrojtura, të pajisur me shenjë dalluese për këtë proces, për sigurimin në total të 324 (treqind e njëzet e katër) kampionëve të dhelprave të kuqe.

Numri i personave, që realizojnë marrjen e kampionëve në çdo qark, si dhe numri i kampionëve të dhelprave që sigurohen për secilin qark, jepen në shtojcën që i bashkëlidhet këtij vendimi dhe është pjesë përbërëse e tij.

Detajimi i punonjësve përkatës, që marrin pjesë në këtë proces, bëhet nga drejtori i përgjithshëm i Agjencisë Kombëtare të Zonave të Mbrojtura. Analizimi i kampionëve të dhelprës së kuqe bëhet nga Instituti i Sigurisë Ushqimore dhe Veterinare.

4. Ministri i Turizmit dhe Mjedisit, me hyrjen në fuqi të këtij vendimi, pajis me autorizimin përkatës për kryerjen e gjuetisë së dhelprës së kuqe për çdo qark, punonjësit e Agjencisë Kombëtare të Zonave të Mbrojtura, që marrin pjesë në këtë proces.

5. Gjatë të gjithë kohës së kryerjes së kësaj veprimtarie në zonat ku do të kryhet gjuetia dhe marrja e kampionëve nga dhelprat, procesi kontrollohet nga strukturat vendore përgjegjëse për pyjet në njësitë e vetëqeverisjes vendore, shërbimet veterinarë përkatëse dhe Policia e Shtetit.

6. Autoriteti Kombëtar i Veterinarisë dhe Mbrojtjes së Bimëve të bashkëpunojë me Agjencinë Kombëtare të Zonave të Mbrojtura, në lidhje me pajisjen e punonjësve të Agjencisë Kombëtare të Zonave të Mbrojtura me pajisje (frigobokse) për ruajtjen e kampionëve (kokat e dhelprave). Punonjësit e Agjencisë Rajonale të Zonave të Mbrojtura, pas marrjes së kampionëve (kokat e dhelprave), t'i dorëzojnë këto të fundit pranë shërbimit veterinar rajonal përkatës.

7. Ministria e Bujqësisë dhe Zhvillimit Rural koordinon procesin për marrjen e kampionëve të dhelprave të kuqe, dërgimin e tyre në laboratorët përkatës, analizimin dhe nxjerrjen e rezultateve, si dhe raportimin për përfundimin e kësaj faze të procesit të monitorimit pasvaksinal kundër sëmundjes së tërbimit të dhelprës së kuqe në Shqipëri.

8. Ngarkohen Ministria e Turizmit dhe Mjedisit, Ministria e Bujqësisë dhe Zhvillimit Rural, Ministria e Brendshme, Agjencia Kombëtare e Zonave të Mbrojtura, Instituti i Sigurisë Ushqimore dhe Veterinare, Drejtorja e Shërbimit Veterinar dhe Mbrojtjes së Bimëve dhe njësitë e vetëqeverisjes vendore për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

SHTOJCË

PËR PËRJASHTIMIN NGA NDALIMI I GJUE TISË, PËR QËLLIME SHKENCORE
PASVAKSINALE TË KAFSHËVE TË VAKSINUARA, NË KUADËR TË PROJEKTIT IPA2020,
KONTROLLI DHE ÇRRËNJOSJA E SËMUNDJES SË TËRBIMIT – FAZA IV

NUMRI I GJUE TARËVE PËR SIGURIMIN E KAMPIONEVE LABORATORIKE,
NUMRI I KAMPIONEVE TË DHELPRAVE TË KUQE

Nr.	Qarku	Bashkia	Nr. i punonjësve në qark	Nr. i kampioneve të dhelprave të kuqe	
				Qark	Bashki
1	BERAT		5	21	
		Berat			12
		Kuçovë			2
		Skrapar			3
		Poliçan			2
		Ura Vajgurore			2
2	DIBËR		3	24	
		Dibër			10
		Bulqizë			7
		Mat			4
		Klos			3
3	DURRËS		3	10	
		Durrës			3
		Shijak			3
		Krujë			4
4	ELBASAN		3	37	
		Elbasan			8
		Belsh			4
		Vërrik			4
		Librazhd			5
		Përrenjas			4
		Peqin			4
		Gramsh			8
5	FIER		4	24	
		Fier			6
		Lushnjë			6
		Divjakë			3
		Roskovec			2
		Mallakastër			4
		Patos			3
6	GJIROKASTËR		2	38	
		Gjirokastër			12
		Libohovë			5
		Tepelenë			6
		Memaliaj			4
		Përmet			7
		Këlcyrë			2
		Dropull			2
7	KORÇË		4	53	
		Korçë			14
		Maliq			5

		Devoll			4
		Pustec			3
		Kolonjë			14
		Pogradec			13
8	KUKËS		1	20	
		Kukës			8
		Tropojë			11
		Has			1
9	LEZHË		5	12	
		Lezhë			3
		Kurbin			3
		Mirditë			6
10	SHKODËR		2	36	
		Shkodër			12
		Vau i Dejës			4
		Malësi e Madhe			14
		Pukë			4
		Fushë-Arrëz			2
11	TIRANË		5	13	
		Tiranë			4
		Vorë			2
		Kamzë			2
		Kavajë			3
		Rrogozhinë			2
12	VLORË		2	36	
		Vlorë			20
		Sarandë			2
		Konispol			2
		Finiq			4
		Delvinë			4
		Himarë			2
		Selenicë			2
	TOTALI		39	324	